



Bosnia and Herzegovina
Federation of Bosnia and Herzegovina

CANTON SARAJEVO
Professional Office for Common affairs

Broj: 17-11-37391-9/20
Sarajevo, 23-10-2020 godine

Na osnovu člana 64. stav (1) tačka b) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst) i preporuke Komisije za dodjelu radova u postupku javne nabavke "Rekonstrukcija elektro instalacija Centralne zgrade Kantona Sarajevo - I sprat/desno krilo" (Zapisnik o pregledu i ocjeni ponuda broj: 17-11-37391-8/20 od 19.10.2020. godine), načelnik Stručne službe za zajedničke poslove Kantona Sarajevo, d o n o s i:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za dodjelu radova u postupku javne nabavke "Rekonstrukcija elektro instalacija Centralne zgrade Kantona Sarajevo - I sprat/desno krilo" i dodjeljuje se ponuđaču "**ELEKTING**" d.o.o. Sarajevo, prema dostavljenoj ponudi broj: 059/2020 od 12.10.2020. godine i po okončanju uspješno provedene e-Aukcije u ukupnoj vrijednosti od **53.912,81 KM** bez PDV-a, a cijena sa PDV-om je **63.077,98 KM**.

Član 2.

Prijedlog ugovora dostavit će se na potpis izabranom ponuđaču u skladu sa članom 72. stav (1) ZJN. Izabrani ponuđač je dužan dostaviti originalne dokaze ili ovjerene kopije **po članu 45. ZJN** kao i **po članu 47. ZJN**, jer je u svojoj ponudi dostavio obične kopije u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom. U slučaju da izabrani ponuđač propusti da dostavi originalne dokaze ili ovjerene kopije o kvalificiranosti u navedenom roku ili dostavi neprihvatljive dokaze, smatrat će se da odustaje od ugovora.

Član 3.

Ova odluka objavit će se na web stranici ugovornog organa, <http://jn.ks.gov.ba> istovremeno sa upućivanjem iste ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-11-37391-9/20 od 02.10.2020. godine – "Rekonstrukcija elektro instalacija Centralne zgrade Kantona



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1



Sarajevö - I sprat/desno krilo". Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke iznosi 70.000,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem: 1250-7-3-79-3-35/20 od 02.10.2020. godine.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka sa objavom obavještenja na portalu javnih nabavki, Komisija je dostavila pozive sljedećim ponuđačima: 1. "GALBOLS" d.o.o Sarajevo; 2. "ELEKTING" d.o.o. Sarajevo; 3. "CLIMA TRADE" d.o.o. Sarajevo. Rok za dostavu ponuda bio je 13.10.2020. godine do 13,00 h. Za navedenu javnu nabavku su u uredno zatvorenim kovertama dostavljene ponude od ponuđača:

1.	"ELEKTROKOVINA" d.o.o. Sarajevo, ul. Franje Kluzza br. 7, 71 000 Sarajevo
2.	"E-STROM" d.o.o. Sarajevo, ul. Džemala Bijedića br. 129, 71 000 Sarajevo
3.	"DOS ELEKTRO" d.o.o. B. Luka, ul. Pilanska bb, 78 000 Banja Luka
4.	"ELEKTING" d.o.o. Sarajevo, ul. Nova br. 2, 71000 Sarajevo
5.	"GENERAL ENGINEERING" d.o.o. Sarajevo, ul. Vilsonovo Šetalište br. 6, 71000 Sarajevo

U skladu sa Odlukom o pokretanju postupka, Komisija za dodjelu radova formirana Odlukom broj: 17-14-38834 od 29.10.2019 godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu za dostavu ponuda. Zapisnik o pregledu i ocjeni ponuda broj: 17-11-37391-8/20 od 19.10.2020. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda pet (5),
- da je blagovremeno zaprimljeno ukupno pet (5) ponuda,
- da nema neblagovremeno zaprimljenih ponuda,
- da ponude ponuđača "ELEKTROKOVINA" d.o.o. Sarajevo, "ELEKTING" d.o.o. Sarajevo i "GENERAL ENGINEERING" d.o.o. Sarajevo ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.
- da ponude ponuđača "E-STROM" d.o.o. Sarajevo i "DOS ELEKTRO" d.o.o. B. Luka ne ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa iz sljedećih razloga:

Ponuđač "E-STROM" d.o.o. Sarajevo je propustio dostaviti ponudu u skladu sa odredbama Tenderske dokumentacije. Naime, navedeni ponuđač je u svojoj ponudi broj: 133-20/106 od 12.10.2020 propustio dostaviti:

- Ovjerenu kopiju aktuelnog izvoda iz sudskog registra. U tenderskoj dokumentaciji (str. 5) tražen je aktuelni izvod iz sudskog registra, a da se dokaz dostavlja kao **ovjerena kopija originala**. ("Ponuđač je dužan dostaviti sljedeće dokaze: a) Aktuelni izvod iz sudskog registra ili izjava/potvrda nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke. Dokaz se dostavlja kao **ovjerena kopija originala**...")
- Ovjerenu izjavu o ispunjavanju uslova iz člana 45. ZJN od strane nadležnog organa (Prilog 3., str. 23 TD)
- Ovjerenu pismenu izjavu iz člana 52. ZJN od strane nadležnog organa (Prilog 5., str. 25 TD)



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1



- Potvrdu o uredno izvršenom ugovoru za **2019. godinu**. U tenderskoj dokumentaciji (str. 6) zahtijevano je dostavljanje dokaza (potvrde) o uspješnoj realizaciji ugovora iz oblasti izvođenja elektro instalacija za **2017., 2018. i 2019. godinu**. (" a) Ponuđač je dužan dokazati posjedovanje uspješno realizovanih ugovora („referens istu“), kroz posjedovanje i dostavljanje dokaza o uspješnoj realizaciji minimalno 3 ugovora u posljednje 3 godine (za svaku godinu po minimalno jedan ugovor), iz oblasti izvođenja radova na elektro instalacijama (za **2017., 2018. i 2019. godinu**), a čija pojedinačna vrijednost na godišnjem nivou mora iznositi minimalno 10.000,00 KM (sa PDV-om) za svaku godinu posebno odnosno, ukupna vrijednost ovih ugovora za tražene 3 (tri godine) mora da iznosi minimalno 30.000,00 KM (sa PDV-om).
 b) Ponuđač je dužan dokazati tehničke i profesionalne sposobnosti kroz spisak izvršenih ugovora u skladu s članom 48. stav (2) ovog zakona, a dokazi se podnose u formi spiska izvršenih ugovora uz potvrdu koju daje druga ugovorna strana o njihovoj realizaciji.)

U skladu sa navedenim, ponuda ponuđača "E-STROM" d.o.o. Sarajevo se odbacuje kao neprihvatljiva u skladu sa članom 68. stav (1) i stav (4) tačka i) Zakona.

Ponuđač "**DOS ELEKTRO**" d.o.o. **B. Luka** je propustio dostaviti ponudu u skladu sa odredbama Tenderske dokumentacije. Naime, navedeni ponuđač je u svojoj ponudi broj: 1374-TP/20 od 12.10.2020. godine propustio dostaviti prihvatljivu potvrdu o uredno izvršenom ugovoru za **2018. godinu**.

Navedenom ponuđaču je dana 15.10.2020. godine poslan zahtjev za pojašnjenje potvrde o uspješnoj realizaciji ugovora, budući da je u samoj potvrdi evidentan nesklad datuma, odnosno da je u referentnoj listi za 2018. godinu (str. 29.) za "Elektroinstalacioni radovi usluga montaže – hala u ulici Pilanska bb" dostavljen datum od **01.08.2017. godine**, dok je u samoj potvrdi o uspješnoj realizaciji ugovora za iste poslove ("Izvođenje elektroinstalacija na poslovnom objektu - hala feal rs u Ulici Pilanska bb Banja Luka) naveden datum zaključenja ugovora od **01.08.2018. godine** (str. 33).

Ponuđač je blagovremeno, 16.10.2020. godine, odgovorio i izjasnio se da je mjerodavan datum od **01.08.2018. godine**, a što se i dokazuje, kako je u odgovoru obrazložio ponuđač, sa gore navedenom potvrdom (str. 33).

S tim u vezi, u samoj potvrdi (za 2018. godinu), su nedvosmisleno evidentirane neusklađenosti, gdje je kao datum zaključenja ugovora br. 17/17 naveden datum **01.08.2018. godine (potvrđeni i mjerodavni datum) i to kao datum zaključenja, odnosno potpisivanja ugovora**, dok je kao period izvršenja usluga naveden: **Oktobar 2017 – 15.02.2018. godine**. Dakle navedeni ponuđač je u periodu **Oktobar 2017 – 15.02.2018. godine** izvršio navedene usluge, a onda tek **01.08.2018. godine** zaključio, odnosno potpisao ugovor.

Kako je u skladu sa naprijed navedenim evidentna neusklađenost u samoj potvrdi (za 2018. godinu), potvrda kao i sama ponuda se odbacuje kao neprihvatljiva u skladu sa članom 68. stav (1) i stav (4) tačka i) Zakona.

Uzimajući u obzir da je Komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke "Rekonstrukcija elektro instalacija Centralne zgrade Kantona Sarajevo - I sprat/desno krilo" kako slijedi:



web: <http://vlada.ks.gov.ba>
 e-mail: sszp@sszp.ks.gov.ba
 Tel: + 387 (0) 33 562-094,
 Fax: + 387 (0) 33 562-220

Sarajevo, Reisa Džemaludina Čauševića 1



1. "ELEKTING" d.o.o. Sarajevo	100 bodova
2. "ELEKTROKOVINA" d.o.o. Sarajevo	69,88 bodova
3. "GENERAL ENGINEERING" d.o.o. Sarajevo	94,58 bodova

U skladu sa kriterijem "najniža cijena" i po okončanju uspješno provedene e-Aukcije, ugovor se **odjeljuje prvorangiranom ponudraču "ELEKTING" d.o.o. Sarajevo** u ukupnoj vrijednosti nabavke od **53.912,81 KM** bez PDV-a; a cijena sa PDV-om je **63.077,98 KM**. Za predmetnu nabavku će se zaključiti ugovor.

Pouka o pravnom lijeku:

U skladu sa članom 101. Zakona, protiv ove Odluke može se izjaviti žalba ugovornom organu, najkasnije u roku od 5 (pet) dana od dana prijema ove Odluke.



Pripremio: Almir Mešić, dipl.iur.
 Kontrolisao: Sedin Kozadra, dipl.ecc.

Prilog:

1. - Zapisnik o pregledu i ocjeni ponuda broj: 17-11-37391-3/20 od 19.10.2020.



web: <http://vlada.rs.gov.ba>
 e-mail: sszp@sszp.rs.gov.ba
 Tel: + 387 (0) 33 562-094,
 Fax: + 387 (0) 33 562-220

Sarajevo, Reisa Džemaludina Čauševića 1

